

晚晴移詩匯

晚晴簃詩匯卷一百四十八目錄

黎兆勳 二十首

張文虎 九首

貝青喬 十首

曹鑑 一首

管庭芬 一首

勞權 一首

勞格 一首

高均儒 一首

王國均 四首

沈謹學 十五首

孫周 十首

李嶽生 九首

陳浩 五首

欽善 八首

喬守敬 三首

徐灝 九首

傅霖 七首

翁時稗 五首

吳廷燮 二首

于源 六首

楊韻 二首

吳以誠 五首

譚溥 七首

查冬榮 五首

趙旭 六首

劉世仲 一首

徐韋 七首

晚晴彩詩匯卷一百四十八

徐世昌

黎兆勳字伯庸號椽村遵義人諸生官隋州州判有侍

雪堂詩

詩話椽村又號礪門居士幼慧九歲即能占五七字詩戲贈同輩長與鄭子尹珍同學貫串博洽縱才力爲詩選詞雋穎擺脫凡近以蒼老之筆運深沈之思游楚而後格律益進薄宦羈旅抑鬱不平而必出以蘊藉與子尹詩從人不同成就無異

曉發綏陽至黃魚橋

烏鴉喧遠林
曉栢山城歇
行人出樹杪
笠影帶殘月
微茫驛西樹
明滅巖際雪
人語生斥堠
鐘聲散林樾
曉行旅夢醒
古道冰泉咽
山川方叢複
人物兩清絕

西山人家幽僻處

密雲灑凍雨芳草綠滿徑誰歟廬此間巖竇發清磬颼颼
松下宅靄靄松間磴客程倦行役小憇心且定迴溪青濛
濛石瀨入虛聽

新化州山中

浮浮五色虹避日下山靄倏焉化爲馬騰蹕入溪內南踰
百丈梁架空走湍瀨疑從天上來活活瀉清快山中乏糧
食飲水亦堪愛松雲不濡衣結攬在襟帶客程臘月餘此
景日相對我馬亦已勞我僕倦行邁聊爲逍遙游凌風聽
天籟

途中雜詩

百丈插水巖壁上迸飛瀑我舟行瀑下琤琤鳴碎玉槎枒
大灘來篙師氣先肅扁舟刷風雨眩眼雷電速拋梭出浮

瀾冰雹亂追逐回頭一顧間已下前山麓誰爲性命憂山
氣清兩目

夜泊

蓬背聲瀟瀟溼雲墮江澣扁舟釣魚城一夜巴山雨酒醒
離憂集江空暮濤聚細數柝聲殘天明渡沙浦

書邵亭詩後

精思窺洪濛力抉天地根大哉杜韓業俎豆百世孫若人
生要荒束髮歌蘭蓀中道厭浮薄冠佩朝厥尊鯨牙未能
拔此舌焉可捫斬斬百繙紙滔滔江漢源泗淵攬百怪古
鬼生煩冤正苦太料理結轡陳黃門邇來格一變海波掀
日翻截然提法律萬馬騰中原曩者人所寶百不十一存
我欲全其碎披沙揀更番塔焉若自失仰首鷗鵬驚迺知

達神化不與形色論會看晞汝髮長嘯登崑崙

送子尹署古州訓導

少壯寡朋友席硯一子尹文字劣追攀學問見繩準叢山
氣慘鬱足繭知步窘紆迴待旁通峭嶒謝推引我師古人
意百困效一忍斷彼徑寸帶續此三絕糾兢兢三十年微
尚孰能泯蕭條共遲暮相賦以無盡

黃華老人畫松歌

黃華老人腕是鐵畫出松枝勁無敵一株橫卧一株立枝
枝皆帶風雲色雲南萬嶺松成林高巖下壑蒼龍吟西山
數株更奇絕蛟龍窟宅陰沈沈此圖彷彿得其真毋乃畫
師攝魂來寒岑昔人畫松石作土松氣成龍石作虎此松
寫榦石卽根颯颯寒枝戰風雨溟人畫松我未見仰亭往

往留長絹人言瘦硬已通神我覺離奇無直幹李侯筆法
翁能變

自瀘州東歸

岷山遠夾雙江流奇秀直到江陽收豈無扁舟泝江上凌
雲載酒思一游治平寺中塔鈴語風雨夜合南山頭閉門
一月病難出更有人事催歸舟思奇好異要有數天不假
汝空強求吾生去留緣作主不必水有蛟龍山有虎故園
得歸姑早歸莫戀寒鐙卧秋雨舟人鳴鉦呼曉發漢嘉西
望重雲結空江濛濛雞一鳴好在峨眉半輪月

送從弟蕪齋從軍

山川何處息戎馬儒冠不必談風雅通天臺下表難成念
我頭顱非壯者天末勞人憐汝才慷慨挺出風塵下十年

浪走我真癡季也能賢心自寫皖公山色清黃埃李侯莫
叟當世才與我交游招不去片帆看汝西南來吾弟行蹤
不寂寞我且爲之歌徘徊不見雲中兩鳴雁分飛千里流
音哀男兒當爲濟世用膽氣不雄何異眾中興諸將豈從
容所嗟悲憤纏雲夢相公襟抱眞王佐不日秣陵賊當破
汝今名隸相公軍舉酒堪爲行子賀撥亂扶危須古豪况
今言路收芻蕘弟以諸生上書得
知縣發在會營孔璋行矣莫自失愛吾
劍氣凌斗杓行逢故人問吟客爲道堪賦平蠻謠

夜郎三坡

昔人游劍外蜀道在青天迴首三坡路開荒幾百年地偏
曾置驛山盡卽乘船秦棧知何似愁生落照邊

水村

夜氣清無慮，浮涼近水村。
竹扶雲過隴，山抱月當門。
魚鳥依泉響，人天浴露痕。
數星低望曉，細吐未全吞。

南泉山

翠壁緣巖轉，長林上碧空。
泉飛龍硿雪，人坐鶴巢風。
佛火諸天迴，香雲大壑通。
非非眞想處，還擬問靈宮。

積雨

膩寒喧白晝，作勢警深宵。
雲雨深於夢，風霆悄不驕。
角聲催客枕，屋漏攪心潮。
毋寐疑龍戰，孤鏡幾次挑。

歸夢

黃葉溪流急，東岑一徑斜。
洗心尋碧澗，歸夢溯蒼葭。
讀史誠多事，悲秋尙有家。
未須愁六鑿，守黑是生涯。

南中雜感

叢山虎豹走斑斑石砦柴門晝亦關
舊俗敲殘銅鑄鼓南風吹瘦月成環
詩情漸冗能爲祟海色無多莫洗顏
紫蜃金蠶愁蠱毒故鄉惟冀得生還

謫仙樓柬鄭子尹莫邵亭兩孝廉

此地清吟亦費才憑欄眺遠暮雲開
涼風天末纔過雁明月樓頭獨舉杯
秋漸有聲宜小集客如無事可常來
夜郎舊論皆荒渺一度登臨醉一回

子尹烏柏軒小集

藻米谿清漫溯洄女嬃移住白雲隈
幽人無事或孤往寒氣今秋更早來
零露蕭疏烏柏落當階爛漫蜀葵開
曉風變變蟬聲靜正要先生說餅來

羅里阻雨旅館書壁

朝來山雨暗平皋閒倚岑樓思鬱陶龍虎氣蒸雲霧峽馬
牛風截石江濤秋生衾枕詩懷瘦路繞峯巒箐戍高自信
防身雙寶劍不須持贈呂虔刀

出漢陽門渡江感懷

黃葉煗頭兩板扉十年計與素心違談兵客厭殘碁局被
褐吾慙老布衣水闊魚龍騰浪早天長鴻雁拂雲稀江神
識我應相惜微祿何求久不歸

張文虎字孟彪一字嘯山南匯人諸生候選訓導有舒

菽室詩存

詩話嘯山選於經學小學旁通曆算聲律爲金山錢
氏校刊守山閣叢書指海珠叢別錄悔內推爲善本
曾文正開江南書局亦倚之早年及見阮文達同光
以來在吳中稱者頌黃敕蘭侍郎創立南菁書院
首延主講已近八旬矣詩出入蘇黃論戒標榜謂微
倖傳名與微倖科第有何高下而以題圖徵逐爲可

厭向名
言也

元通巖

石內喧泉聲仄徑緣石罅納級賊扶寸縮趾不敢下蛟涎
久猶腥鼠穴出自訝高高削千尋滾滾爭一瀉隘巷中迸
裂峭壁四無藉仙斧巨靈擘神工富媪謝草庵峙孤標石
塔巧構架西方庵前有天生石龕騁此荒寒區習靜庶可借願從夔
魑游請返俗士駕

出上觀音巖至東陽坪

畫山難畫雲繪水難繪聲我從雲中下忽見略約橫石怒
闖然立水激無時平千折萬折逆七曲八曲并掀騰海潮
沸噴薄雄雷鳴而我踏礪石緩逐流雲行我前雲裏裏我
後泉砵曾回瞻樹已失遙望途仍冥依依修竹竿雨濯琅

玕青竹間闢荆扉塔院纔三楹玉琳國師塔院雲收水亦遠我息
僧來迎

大滌洞天歌

撐天一柱摩蒼穹雲霞出沒眞靈宮乘風御氣倏來往華
陽林屋潛相通元封以來二千載神仙中人幾人在年年
龍簡寄沈淵有似泥牛入東海我生好游不好仙來尋三
十四洞天黃冠導我穿竹徑雙屐踏破巖扉煙巖煙霏微
炬火綠石鼓彭鏗震厓谷旋螺屢轉粟生肌兩壁題名鏤
蒼玉仙乎仙乎梳髻囊亭亭背立不可攀深處有天生洞
仙像宛然背立
奇峯倒挂窅無路換骨何處求金丹姜眞人郭文舉圖志
荒唐奈何汝碧樹飛來擣藥禽玉芝銜出長生鼠隱士逃
名偶託辭君王媚道卽貪癡興衰轉眼青山笑齧足誰將

八柱支

消息

消息來江左鄉關望稍舒將窮吳苑鹿不用魯連書勁卒
銀刀隊先聲霹靂車功名勞此輩何以報瓊琚

野望

戰守雄區語豈夸小孤東下勢蟠蛇淮西勛業光裴相皖
北衣冠復漢家亂後人心猶盜賊市繁風俗漸浮華憑高
不盡憂天意急鼓城頭起暮笳

秋燕次錢芝門閣讀

恩棗韻

一襟涼雨睇重門半晌呢喃語尙溫北里苔荒迷舞影西
風簾捲失巢痕相逢華屋都如客只賸空樓亦感恩紅杏
枝頭春易轉星星香夢細尋論

上留田

行至上留田不聞鴉鵲聲華屋爲邱墟莫辨室與庭常棣
不復花荆樹無遺榮深栽百年久剪伐誰使令沴氣夙已
滋會與妖祥并飄風一朝至根本忽以傾栖栖失林鳥三
而徒飛鳴海畔多梟鳴誘汝啄腐腥猝然遇矰弋同爲盤
中羹胡不學鸞斯故巢猶可營悲哉上留田蔓草無人耕
昔我嘗三宿感此涕泗零冤魂如欲語白日悲風生

纓老得舊牙章文曰督師輔臣史可法章約同人共

賦

碧血丹心煥大名詞人懷古首同傾一隅孤立空銜在四
鎮紛馳將令輕龍種清狂非日角鴻溝飛渡況天兵莫將
成敗憑苛論此亦文山玉帶生

奉次湘鄉相侯韻贈巴陵老儒吳南屏

敏樹

卽題所

著國風原指後

閉門孳經幾礪筵攝齊升堂五鹿推等身著書老更健一
舸浮江遠肯來洗兵欲傾東海水訪舊重話西廳槐祇圍
小飲今雨集急溜共聽飛湍厖良玉在璞有含蘊和風著
人無悟乖文章不拾韓柳唾詩句恥撥陰何灰卽今東南
漸舒困雖有旱潦仍免災中興弋亂首郭李名世重望專
伊萊保障巖疆眾所毋包羅賢俊公皆孩大施文教剔鼠
蠹豫養蒙孺消蠶豺感通情性孰詩若動言淫奔毋固哉
好學深思在達識以意逆志非浪猜考求篇什曩有願中
值干戈茲久隕當時借物託褒刺正似微詞書定哀會正
人心抉茅塞先明古義祛塵霾維侯勲業白日爛吾子撰

述秋霜愷衰慵自幸窺豹管流俗何恤驚蛇杯國風既看
癥結解雅頌亦冀康莊開郊禩履毋未敢信勿狗鄭說誣
姜部

貝青喬字子木吳縣人諸生有半行庵詩存

詩話子木有幹濟才壯歲嘗佐揚威將軍奕經戎幕
集軍中所見者成咄咄吟兩卷皆紀實也既押鬱不
自得乃復中間遠涉自黔而滇而蜀足跡半天下迄
無所遇庚申之變子木自浙迎母以去越歲杭城再
陷母子相失子木出沒死生尋母不獲引爲深慙不
得已就直督劉公之聘未及相見卒於旅邸劉公爲
殯殮如禮且厚恤其家俾得歸葬
咸同詩人遭遇之窮莫子木若也

暮至花山寺上蓮峯頂

頽陽匿巖罅衆化積陰翳倭遲篆路中榛篁互虧蔽坡轉
陡光明呀然露峯髻紺殿蟠其根啜莩從所憩指點青茜
菴亭亭立雲際怪松鬱垂蓋懸棧固盤蒂懾險笑羣懦踐

夕勵孤銳登頓薄天衢迴出人間世仰捫晝有星俯躡暝
無地一氣明晦間眾頂攢瑣細貢湖三萬頃練影付搖曳
去美景不延來奇日將曠眷眷下煙蘿一鐙寺門閉

西湖

載得詩情至晴漪撥棹輕春聲欣雨歇秋抱愜山迎花氣
香諸寺湖光溼半城底須爭勝踐孤賞到鷗盟

響琴峽

言踰馬場坪陡落響琴峽水深黝如膠倒侵兩崖插老晴
無日星人鬼晝相狎昔時懸綆渡躡虛步恆踰通道有葛
鏡石疇建如牖舂搗三十年傾家不辭乏濟人荒怪區國
僑亦心忡度徂顧來棧斜樹亂雲夾冉冉出松頂寒陽滿
高碇在險心塊然回睇汗流胛駕焉陟前峯層陰雨霎霎

貴筑謁黑神廟

吹鐙夜入黑神廟甲仗滿堂森一照范陽南八是男兒底
事成神在蠻徼或云有子官涪州爲父立祀黔水幽我聞
兩家子弟材智下伏闕對簿爭如讐是兒差足愧張許况
公義烈驚千秋當公睢陽四百戰蚍蜉蟻子無人援臨淮
一騎走乞師何物賀蘭夜開讎一庭伎樂兩行燭強延公
坐笑相屬此酒雖足交吾歡叱爾何堪爲吾辱莫謂食不
下咽恨不啖爾如僕妾之肉莫謂矢祗著軀恨不射爾如
賊虜之目血漉漉刀錚錚一指斷一座驚幡然設誓去何
速甘入圍城就駢戮勸降恥作六開府飲刃笑隨二都督
生未吞賊死爲厲江淮雙廟同弗替國殤夙偕雷萬春庶
祭新迎康保裔吁嗟乎當時一軍氣皆墨今日神名尙稱

黑山城鼠雀鳴啁啾
祈年禳火來羌酋
丈夫廟食自終古
俎豆豈恃兒孫留

空舸峽

險踰新崩灘陡下射洪磧
鶴首昂然臨闖出峽門窄
戩楫如翹張浪頭飛拍拍
纍石阻當流鼎峙波臣宅
埵竈古所稱餘燼義難釋
改名戒行船懲此三珠石
楚艚與吳艗費裝多滯役
分運賃小舸梭織渡沙脊
或募土灘師呼之作將伯
迸命放一漉墮苦飄無跡
所以阱獲愁行旅多跼踖
我囊靡子遺來此憂轉釋
空空下空舸江神皆辟易

枝江縣

上明城畔路古亦號丹陽
忽憶故鄉遠爲添羈思
長秋陰沈大野水氣汨空
荒祗恐多歧誤孤舟接
混茫

自臨安至於潛夜宿浮溪旅店作

一路驚風捲地寒相逢翁媪話辛酸
村農告瘁思懸耜山賊乘機競揭竿
孤館翦鐙情黯淡幾家支枕夢平安
何當寄語催租吏稍許耕桑手足寬

歸經桃花隘

山勢兀崢嶸雨陣莽飛渡陽精掩無光
匝地騰妖霧聞戒我啟途悽情滿煙樹
豈必爲民望頽行屢迴顧鄰火燔及家
杯水方救護况復焦爛中趨行必矩步
瓌傑苦拘攣笮材巧生蠹疆事日以隳
坐盡恬熙誤嗟此天設險中吭扼甌
婺撫循久無術征繕曷由豫萬夫關
莫開亦藉一夫禦眾志不成城劍閣空
自固

赤津嶺

日落無人境，停鞭借一椽。
灘明流月碎，峯黑裏松圓。
悽絕猿聲裏，涼生虎氣邊。
殘黎家盪盡，何處哭蒼煙。

西泠秋日從孫

晉恩

招飲寓齋同從姪

信三

作

礪雲飛燄捲金圓，吹散吾宗各一鄉。
何幸授餐逢杜濟，轉思收骨屬韓湘。
談深家國惟揮淚，愁滿乾坤漫舉觴。
終望桑榆收晚景，青春作伴放歸航。

曹籀字葛民號柳橋仁和人諸生有蟬蛻集

夏夜與龔定盦王子若豫園話月子若爲作圖

一榻臥花陰，灑灑露滿襟。
小園今夕話，明月故鄉心。
海內論交晚，生平感遇深。
隔鄰絃管急，愴我獨清吟。

管庭芬字培蘭號芷湘海甯人諸生有淳溪老屋集

詩話芷湘窮年讀書每以善本對勘丹黃晨夕不輟
所校諸書士林珍重又刻花近樓叢書半皆鄉州未

刻孤
本

深廬學師招看牡丹賦呈

廣文官舍如山家畫靜但聞蜂喧衙海棠開過鹿韭花香
凝宿露光朝霞護風不用蘇幕遮支以荻簾竹了又我來
花正一叢坼深紅色映絳帳紗看花授與種花訣栽培謂
必先根芽醞釀當令氣深厚扶持莫任枝欹斜開雖遲暮
後眾卉品自穩重殊凡葩還須得意無矜誇我聞師言爲
咨嗟君不見名園別墅繁春華往來游賞皆高車幾家富
貴得長守易衰往往由豪奢爭如此地塵無譁來看只許
譚與芭清談久坐有餘味一杯共啜穀雨茶

勞權字平甫號巽卿仁和人諸生

詩話巽卿季言兄弟居塘鄭家有園林之秀鍵戶讀
書季言尤精校讐遂錄祕籍傳者謂之勞鈔與毛氏

汲古閣鮑氏知
不足齋相亞

古意

早起尙微雨驚風森萬木白雲度嶺來悠然止林麓細徑
倚山開策嶮凌重谷一鳥唳林端蕭然天地肅寒湍滌宿
滓御風振筇竹至理足人心觸境卽來復心忘境亦忘何
私相起伏

勞格字季言仁和人諸生

訪宋錢氏書藏歌

忠懿餘閒嗜書史吟成屬草鍾王似熙陵睿賞每移情承
家文采多佳士有人風月貪西冷一片松篁九里亭新綠
含波快延眺看山傑閣臨郊垌閣裏牙籤誇插架風前芸
葉紛來下清晝披吟獨嘯歌人如脈望餐仙化笑謫蓬萊

答遠懷一時朋好嗟天涯榜題曾說眉山老有時笠屐來
莎階中朝儼昱差相抗琴醜從容徵雅量並如文僖好叢
殘嫋嫋可到應先訪情遷事往移心神陌上花開又晚春
善本流傳何可見鐵券玉冊問漁人閒探遺址行芳野亦
如梵夾烏金瓦淺草寒煙約略問空餘春漲綠隄瀉放懷
往昔幾沈吟自來名蹟勞幽尋書城墨妙已千古韻事今
猶播藝林

高均儒字伯平號鄭齋秀水人諸生有續東軒詩集

詩話伯平研經治小學篤守程朱應潛齋陸稼書所
沈服膺客寓淮上門下多知名士歸主杭州東坡講
舍卒弟子私謚曰孝靖先生

張銘齋孝廉以鈔本楊園集及吳哀仲先生繭窩雜

藁見示用昌黎醉贈張祕書韻

拙謀昧時務夙好謔多聞知君名十稔患難始見君恤余
意誠厚況示先哲文峩峩桐鄉叟篋述燦星雲鍗輒燼復
鍗瓊英尙遺芬卓爾吳公子敬業昔樂羣壽命各修短道
術無區分著論礪今古嚴於律治軍受誦方一過醇如飲
已醺文章由運會天地共氤氳言之必可行詎飾禮樂云
此意炳千載學者日紛紛今覘君所嗜知味別腥葷下筆
更嚴謹晒書羊氏秘慎占變虎豹宏聲驅蠅蚊盛友廣同
志相觀德可薰鮮民遭酷毒乃來依先墳病疥孽莫追視
草蔓難耘感君示我意則古爲今勳時務浮雲耳朝夕瞻
曦曛

王國均字侶樵滄州人有客旋草

詩話侶樵風雅好事篤嗜金石曾訪得北魏王僧墓誌助同州董柯亭修志創增金石藝文二門手輯滄

州詩二十卷共二百餘家行於世又輯同時人詩爲
滄江舊雨集未梓類游濟南時稱詩人其詩僅見客
旋草一卷慶雲崔曉林念堂詩話載其春燕中地不關新
弟詩及斷句云杯底詩情天外至眼中山色畫中多
江都符南樵寄心會詩話載其春燕中地不關新
畫棟此身原是舊烏衣又戲贈蠶魚絕句云歎我未
書已卅年苦心輸爾費鑽研一編應愧兩相談我未
成名爾未仙稱爲語多寄託諸詩皆不見集中蓋客
旋草特其晚作之一
種當別有全藁也

歸家卽事有作

初遂還家願依然感索居懷人時覓句待雁偶緘書性拙
兒童怪年荒故舊疏聯牀諸弟在相伴作樵漁

况經兵燹後城郭似巖阿僕隸崢嶸起親朋患難多人情
增閱歷世事自風波莫負窮鄉住孤吟一放歌

歷歷曾游地平陵十五春酒降三島客詩醒九泉人
手輯
二百餘家皆訪友不愁懶看山豈救貧征衣羞自檢無計
滄詩
於客次成之

澆輕塵

春暮重游大明湖感賦

匯波高出晏公臺小豁胸襟亦快哉自信無關名利事此行原爲菜花來

沈謹學字詩華又字秋卿元和人有沈四山人詩錄

潘功甫曰山人自少力田甫里人稱其孝弟偶爲詩自怡悅而已沈四山人者余所稱也唐沈千運嘗曰衡門之下可以棲遲有薄田園男稼女織偃仰今古自足此生當時士流敬慕號爲沈四山人今山人亦行四而志趣相類宜以爲稱因擬高山適還山吟一篇詒之又余初見山人贈以爲稱因擬高山適還山吟一篇失古之奇初見山人贈以爲稱因擬高山適還山吟一篇足幽閒澹遠之思此二語若爲之識云詩話秋卿與吳江徐達源及同郡楊白劉泳之江湜善徐晉鎔鈔亡友沈山人詩題後云綜君生平行貞士而孝子結習耽苦吟澹如秋潭水陶公五字詩超超寓名理少小師誠齋七言蓋胎此當時崎行雅擅名篇其人爲足傳也

田園雜興

野草散輕煙柔桑翳朝日牧童無雜事起卽驅牛出牛牧
日以肥乃思用爾力

東風藹然至楊柳春鳩鳴徘徊以相對動此安居情薄田
二十畝及時自須耕浸穀不數日穀芽亦已生微雲釀成
雨陰陰漸爲晴

樹林延暝色日落原野晚飛鳥各就栖我亦荷鋤返酌酒
茅檐下披襟以自遠不惜四體勤所幸飢寒免

力耕全我真形不爲外役晴明固爲佳風雨亦安適抱屋
谿流清開門遠山碧不知桑麻長但覺行徑窄願言素心
人往來慎杖策

同醉餘家兄游南屏山

鳥唳不數聲，眾綠一齊曉。力以游山勇，興自芳春好。夜來雷雨過，山徑猶溼草。登頓窮曲盤，已出萬松杪。俯矚但蒼蒼，西湖一杯小。

己亥新秋言懷

處約良獨艱，依榮豈所愜。我無銜世具，益覺形其拙。頻年薄秋登，生理日就窄。屢空已不任，塵事復逼迫。可惜幽蘭姿，忍隨野草沒。每於晨昏暇，開卷仰古昔。孤襟自虛緬，真想時超忽。新此清秋涼，谿上疏雨歇。耕耘事裁已，欣見稻花白。穰穰盈南畝，歲功亮有獲。所願亦易酬，聊用持日月。夜坐吟。

西風吹林颯，如許落葉數。聲答蟲語明，月一天庭一方奈。何限之明月，光安得放眼。一千里江山，秋影窮蒼茫。清寒

著人一欄淺且送君詩當消遣坐看清天生白雲君若不
來將怨君

連日風雨遣懷

野人近來減苦吟偶然得句不足成苦吟自寫性情耳陶
詩一卷卽性情雄鳩嘯罷雌鳩鳴商量風雨忙清明花開
花落置不問閉門何論陰與晴天涯芳草日日深階下綠
苔片片生風雨儘他無賴著野人只當煎茶聲

春日雜詩

不難謝塵事邨小地幽偏居接林間屋耕分谿上田遣懷
引微醉養病趁閒眠鄰老來相約明朝掠社錢

隙地裁爲圃門前接麥畦喚人修耒耜親手結箔籬穀種
從鄰換瓜秧帶雨移自因幽事繞連日不圍基

二月十七日過黎里眾善堂謁徐侯齋先生祠

山民徐丈

以上沙祠宇屢淹於水乃葺眾善堂旁屋奉先生栗主祀焉

此豈先生志甘爲隱
遞流草堂聊託跡
澗水不知秋明月
梨花夢空江鶴影
留我來肅瞻拜仍作上沙游

初夏邨居

補足綠陰飛盡絮
眼空爛漫一春花
矮茅屋小分谿住
橫板橋低趁岸斜
喧我幽居惟鳥雀
爭人行徑但桑麻
年來多少推遷感
獨立松風詠暮霞

谿上

春煙兩岸平流水
一竿冷夕陽
隔谿來零亂桃花影

吳淞江歸櫂

淞波一片冷秋光
帆影低斜掛夕陽
遙指水雲邨缺裏接

天紅葉是楓莊

春暮野望得句

一角殘陽畫斷虹年光隨分了春風桃花脫盡清明雨綠
入平蕪一望中

孫周字則莊元和人有大瓠堂詩錄

以遼蓀餉姚先生榕媵以長歌

帝車之尾瑤光星降爲神草蒙茸生秋來結子大如豆熟
者深紅生者青背陽向陰榭樹林三椹五葉何菁菁元泉
天醴此孕毓千歲化作嬰兒形有時月中恣跳舞有時地
下呱呱鳴紫團白條種各別人銜鬼蓋紛其名結隊刷取
蛇虎穴銅爐乃與糖霜烹豈獨開心益神智人服能使身
軀輕遼陽眞井最堪重句驪上黨難爭衡近來採者利速

售深山未許留句萌又或掘苗出移植田園灌溉同春耕
雲間先生武功後含咀經史窮華英江湖游倦兩鬢雪偃
蹇歸卧肩柴荆百城坐擁勤著述兀兀毋乃搖其精况復
晚境不如意憂時涕淚紛縱橫得非於此病根伏漸致腰
腳艱於行憐公衰老贈數莖蚪枝鏗作金石聲奇功異勳
不可說咄咄肯伍松根苓先生服此益矍鑠力將四海風
騷撐魯殿靈光屹然峙長爲聖代歌昇平

奇寒釀雪愁思紛然和坡公聚星堂韻

空廊擁爐聚乾葉雲日模糊天欲雪炊煙久斷坐耐飢冷
對梅花正愁絕嚴風刺壁尖於刀老屋聲搖勢將折楚南
連年方苦兵哀哉死者蟲沙滅書生赤手寸鐵無深恨長
鯨未能掣鼙鼓動地烽火紛江天愁望眼生纈况復三吳

歉歲頻四鄉婦子食麩屑但祝豐年早呈瑞玉花厯亂下
飄瞥遺蝗入地百尺深明年麥熟餅可說詩就俛鐙呵手
書冰凍筆尖堅似鐵

題程序伯文

延鷺

畫幅

煙波滿紙涼於洗一片溼雲收不起遙山暝合青蒼茫叢
葦蕭蕭聲在紙橋南茅屋水面開釣艇搖入蘆花裏雪鬢
漁翁換酒歸自脫蓑衣掛船尾

五百梅花菴訪覺阿上人師

祖觀

言訪支公去杳然雲壑深遙聞一聲磬忽見梅花林空外
激清響孤煙生夕陰前期應不遠風雪輒相尋

同湘鄉左孟辛

楨

仲敏

樹

昆季白馬碣訪覺公師歸

舟口占

萬山沈暮氣一塔俯寒流僧寺鐘初動漁家網未收來尋
支遁馬同載李膺舟後約梅花發還當蠟屐游

曉發

曉色催人古驛旁模糊猶帶夢痕蒼殘星欲沒初收霧敗
葉將飛乍怯霜微辨人聲知市近悄無雞唱覺村荒蕭蕭
蘆荻風如雨一霎輕帆過野塘

草堂

微雨乍過煙滿谿草堂閒聽曉鶯嘯著花老樹有春意捲
幔亂山如屋低竹榻晝長清蝶夢板橋泥滑印牛蹠經旬
不沐擁書坐疑是忤時人姓嵇

遠別

風葉作離聲蕭然客獨行多情故山月常向馬頭明

早起偶得

詩夢如煙墮水村前
溪夜雨長新痕
曉來聊展一編坐
無數亂峯青到門

山中訪友不值

策杖行牀上翠微
白雲深處扣柴扉
美人不見碧天暮
幽鳥一聲花亂飛

李嶽生字子喬武進人諸生有小元池仙館味蕙居越

雪庵諸集

詩話子喬爲申耆從孫文學有聲咸豐末殉粵匪之難詩才清麗中年乃有氣格憂時感事多儼楚之音兼工詞情宛守其鄉張董遺則

虔州秋日雜感

章貢東南日夜流
三千餘里蕩鄉愁
漸知易性同淮橘
強

說忘機學海鷗夢裏倚闌虛慰藉閨中織錦易沈浮連宵
又見刀環月惆悵高寒白玉樓

金颺瑟瑟卷書帷一種秋懷付與誰醜啜便教嗤正則塵
飛無處障元規關心歧路游非壯託業名山志已卑何日
閒居酬夙好呼童種秫婦烹葵

鼓角

鼓角聲嚴枕上聞何時上將策殊勳當門芳草頻遭忌躍
冶干將枉絕羣離獸東南悲遠道高樓西北隔浮雲九關
虎豹憑誰叩莽莽平原日漸曛

洞庭阻風舟中無俚小飲徑醉得句輒書

光音天上避風災親見三禪化劫灰成住壞空都一例且
從蜃氣覓樓臺

玉清初授校書郎三洞靈面紀載詳綠字赤文全闕徧就
中原缺點金方

待從藕孔靖羣魔特勅眞靈會大羅正色鴻濶是何語天
狐翻遣占專科

女羅薜荔漫裁衣煮石休糧計亦非三竊仙桃不科罪瑤
池能念歲星饑

鸚鵡洲感禰正平事

文章樹宏業星日高空懸道隆運斯極福盛禍亦然禰君
抱瓊質豪氣吞垓埏薦牘北海修鸞皇翔九天曹公不敢
殺崇望超班聯積重始招忌忌死成其賢藉令際茲世名
士值幾錢罵座一灌夫國中無與言棄置餓窮巷翻得全
天年嗟哉等疣贅榮瘁誰爲傳庶族各有賴儒生今可憐

茫茫萬古淚惻惻埋重淵

登黃鶴樓址新構小亭

武昌今夜月黃鶴忍飛來入抱皆秋氣憑高見劫灰飄零
王粲恨寂寞謫仙才不盡蒼茫意江聲走怒雷

陳浩字問渠寶山人有百尺樓詩

詩話問渠詩力追盛唐尤工五律曉起云雞催深巷
曉鐘破萬山蒼晚與云孤村煙外失一鳥雨中歸湖
村晚泊云水闊雲低屋風高浪
撲星蒼暉雄奇似三昧集中語

曉起

露氣白於霞披衣坐草堂雞催深巷曉鐘破萬山蒼遠樹
莽無際殘星微有光東瞻彩霞動極目是江鄉

江上泛舟

菱歌斷續唱新晴江草青青江水平桃葉低迷煙外渡楊

枝婉轉曲中情紅衣媚客汀花麗綠黛當窗岫影橫擬向揚州買明月最銷魂處是簫聲

秋夜吟

寒蟬咽露沈疏柳絡緯吟秋怨離婦江蘆瑟瑟動悲風月明遠吹荒村狗蕭條無限玉關情礎杵家家搗練聲碧山如夢橫千里哀雁中宵尙獨征

晚興

寂寞湖天晚蒼茫暗夕暉孤村煙外失一鳥雨中歸秋老花獨發江寒蟬漸肥平生游興足心與片帆飛

湖村晚泊

向晚湖村路炊煙蔽野青亂山沈暝色孤雁沒沙汀水闊雲低屋風高浪撲星幽人垂釣處早已閉柴扃

欽善字爾木號吉堂婁縣人諸生有吉堂詩集

詩話吉堂自長興徙松江少孤貧刻意奮學王陽甫稱其文兼孫可之陸魯望兩家之長詩運思深銳造語堅闊時有獨到處

述懷

空樓明月光照我秋衣裳衣裳輕且薄夜久生微涼微涼涼到骨瓦上淡有霜倚檻一俯仰地迴天路長
此身從何來偶然有姓氏與世相浮沈蹈義爲誰死盜跖固已非伯夷未爲是庸庸各自保智哉當路子

樓上

樓上鐙光一穗青五更驟雨撲窗櫺不平短劍鳴書榻無力殘花墮瓦瓶倚檻橫眠身活脫拂衣長嘯氣高冥詰朝一飯知何處獨立濠梁看水萍

燕子磯

水雲飄渺岫雲微
滾滾洪流怒截磯
江勢欺山吞不盡
萬峯羣伏一峯飛

游攝山

日暮纜扁舟
一望好山色
中有高隱流
浮名招不得
庶幾一遇之
捫蘿循石壁
遐哉籙冠人
幽居竟無跡
斜陽照深澗
松影千尋直
下有離離花
藥名半可識
欲采未攜筐
此來殊浪擲
思古不能忘
久坐迎賢石
落葉如灑雨
巒氣驟然黑
無風疑有風
過耳一聲聒
我尙畏山精
未敢談服食

數花居感舊作

浮雲心事碧溪邊
涓水西流感逝川
隔檻鶯花交旖旎
對牀詞賦儘流連
香濃怕捲風前幔
墨淡愁書月下箋
重過

空廊文物盡井梧猶自綠含煙

山行

人自山中出方知有路通磨盤轉圓曲蟻窟走玲瓏莎草
荒亭綠山礬古墓紅陡然臨絕澗俯首瞰長虹
人家圖畫裏茅蓋紫泥牆有力供樵牧無田種稻梁從禽
藏險谷輿客上高岡紆困貓頭竹三年兩度長

喬守敬字醉笙寶應人諸生有緣陰山館吟藁

山村卽景

晚村一帶槿籬斜繞岸木棉黃作花今夕欲投何處宿夕
陽紅樹有歸鴉

送金小岱歸臨安

西風墮征雁千里催歸人歸心不可羈況有堂上親親衰

病且篤望遠尤含辛縱抱四方志疇能問天倫莫理宛溪

時容

朝指姑谿濱白日黯秋景黃海虛前塵

將有新安之役以母

夫人病

勝游豈不樂聚散非無因不見張季鷹尙憶鱸與

蘇

去年客烏江識君屆秋閏今年送君歸霜華逼冬信形骸

相與忘投贈兩不吝竭來歷江湖千里窮一瞬君作兗山

游我止白田岸登臨預秋約山川資壯觀驪駒一以歌萍

梗忽中斷後會知何時歸途期百順行行各勉旃莫負青

絲鬢

徐灝字子遠一字伯朱號靈洲番禺籍錢塘人貢生官

廣西知府有靈洲山人詩錄

詩話子遠有經濟才歷佐粵督幕府著書百餘卷世多稱其經小學不即其寺字良氏皆可中成自明

篇以爲子美辭固沈著而調失流轉雖成一家語實則詩歌之變體博涉世故出於夫婦者常少致兼雅頌而風人之義或缺此其調反在唐初四子之下遠則云風雅本無二致格調因乎其時必託詞夫婦始合風人何不竟作四言而乃累爲長句少陵得雅之變謂其旨近於民勞六月則可耳不當以格調論也蓋仲默與李獻吉相傾乃爲此說漁洋山人云王楊盧駉當時體莫逐刀圭誤後賢實有微詞而人多不察子遠是言固是通人之論然少陵於唐初四子亦云不廢江河萬古流或乃欲竟廢此體則又失之矣

石版潭

山行尋瀑援曲折達石壁飛瀑排空行橫流跨山脊來如
洪濤寬去如巨壑窄窮源有萬派到地只一脈水德乃至
柔石性本無隙由來歲月久遂致鬼神役蓄水成徑猗穿
石在涓滴往聞雲雷屯欲與蛟龍敵至今風怒號落葉滿
匝赤浮嵐遠空盡凍雪太始積歎沫散成絲斜曛反相射

宛爾垂長虹半規墮寒碧地籟爭喧逐人閒自寥閱默思
滄溟深浩浩雲氣白

張南山丈招集松心草堂同溫伊初陳蘭甫夜話作
情風來無邊涼月照半席相攜素心人共樂太古夕階前
侵寒綠堂後做虛白兩水自潏洄層軒迴幽寂老樵昔行
吟垂釣江旁石幾年掃荆榛於此聚瓠璧洋洋聽松廬海
內詩名藉流光七十載此境等空色豈知萬株松早定水
邊宅勝地非偶然相與三歎息

中宿峽

蒼山互百里列岫相倚伏峭壁忽中開江流勢一束層陰
峽裏生赤日巖際宿眾壑來長風萬頃浸寒綠古寺從何
年飛來著山腹中有百丈梯疊石傍林麓密樹漏斜陽甘

泉瀉空谷愛彼清且冽攬之不盈掬老僧導我飲相接短
半竹蜿蜒作鯨吸取給日以足僧言昔寇亂菑殺及草木
劫火所燒餘突兀見此屋磐磐達摩石坐閱人代速上有
支離叟歲久頂已禿林深闐無人徑轉繚而曲冉冉松間
雲琅琅山巔瀑來時值炎蒸對此忘暑溽雲水爾何緣終
古自相屬

錦浪灘

移舟向錦浪熾棹日加午墨潑天際雲鼎沸灘中雷雨殷
山谷鳴風挾崖樹舞空濛一水間蕭颯萬籟聚篷窗雜坐
卧對面不聞語須臾復晴鬢舟子眾篙舉溪迴灘已平石
激水猶怒及茲歎神力沛然孰能禦物理有消長浩渺此
終古

龍泉峽

峽勢如游龍舉頭向天外
噓氣倏成雲快與風雨會
飛灑落九天馮陵恣滂沛
發響驚雷霆騰空破煙靄
倒捲匹練垂高擁石幢
大嚴冷逼衣襟餘光動
松檜看山已壓多觀水
此爲最漸遠人不聞
暝色尙映帶

天泉歌

曉行十里稀人蹤但聞泉響無西東
山巔宿雲不肯住隨風散作青濛濛
俄頃風盡雲亦定蒼厓飛出兩白龍
奔人直下競赴壑昂首作勢還騰空
巖前五色炫海日澗底一曲垂長虹
仙人玉女在何許惟有了髻留雙峰
白雲洞口更幽絕飛流斷續分三重
其餘蜿蜒各有態或倚怪石穿蚪
松水簾一卷挂石室瑤花琪樹紛
蒙茸茲山夙昔擅名

勝跡所未到心難窮何時結茅傍山麓躬耕自作田舍翁
謁來手持碧玉杖拄到絕頂青芙蓉不知何處好山水有
此十丈玻璃風鶴兮飛來吾與汝平臺之上雲蓬蓬

靈湖寺同張叔淵明府施恕庵主簿

萬里寒疇色春來到佛堂游人集吳越古木認蕭梁倚檻
峯巒改巡檐薜荔荒殷勤問湖水門外已耕桑

寒食過張百藥墓

一樽還酌野棠花蔓草寒煙落照斜地下故人應有夢天
涯諸弟歎無家名山事去留黃土遼海魂歸聽暮鴉張緒
當年誰得似江東詞賦惜春華

同陳蘭甫花埭泛舟

海珠臺畔氣淒清一葉西風盪槩輕秋水亦如天上坐好

山渾似鏡中行
蓼花煙外揚
孚宅榕樹陰
邊陸賈城江渚
夜來鏡吹罷
船頭坐看月
輪生

傅霖字雨菴浙江山陰人有呪符圍牘橐

詩話雨菴少負異才其父爲海州牧夢瞿曇入室而生雨菴遺橐千金散之立盡嘗登太白樓解衣磅礴悲歌慷慨年三十七卒詩具奇氣歌行尤詭詭激宕而時露促節有短折之徵其才要不可及

贈許二舸風

稽山鏡水卜茅茨
又是炎炎六月時
因愛直名多召謗
爲貪佳句少成詩
干戈歷亂逃新鬼
書劍飄零遠舊知
只有纏綿許丁卯
一簾疏雨話相思

憶周菊存孝廉

惆悵離蹤一水分
澹香樓上憶孤雲
多情夜夜江南夢
不爲梅花便爲君

王昭君

欲訴琵琶淚滿巾
邊風到處是胡塵
傷心馬上容憔悴
還勝當年畫裏人

題王侶樵詩集

願食三斗艾
不欲逢屈突蓋
願食五斗葱
不欲逢屈突通
我自新亭來
古厯海煙沙
雨殊寥寂
不聞豪俠健
如龍徒見老僧多
似鯽瑤臺七十二
神仙只有王喬最
少年倦馭紅鸞朝
紫府偷騎綵鳳下
青天紫府青天來
我友玉眞一笑夷
光醜目空趙勝客
三千辭壓莊生言
九九尾妖狐
雙眼碧珠光
劍氣知君得
夜戴骷髏哭山月

葛將軍歌

將軍來人間
有殺敵才
將軍去世上
無擎天柱
問將軍何

族武侯骨肉問將軍何名桓侯季昆雲雲霓霓將軍之旌
與旂霹靂霹靂將軍之矢與石將軍曰走龍咆獅吼將軍
曰居鰲喘鯨吐將軍曰賊可迎孝娥廟口水都撐將軍曰
賊可逐義婦臺前山亂撲謀者爲將軍喜曰我卒皆全將
軍曰天謀者爲將軍危曰我師已盡將軍曰命剖將軍拳
拳密於面割將軍舌舌長於尺削將軍首首可削兮靈不
朽剝將軍膚膚可剝兮血不枯吁嗟乎將軍存賊如鼠將
軍亡賊如虎賊兮賊兮爾莫謂將軍不復威爾莫謂將軍
不復武十萬奇兵八面叢生將軍忠五千厲鬼三更哭死
將軍惡

短簿祠

綠柳紅橋短簿祠爲瞻遺像獻空卮桓公畢竟非英物喜

怒山人不自知

送友人出塞

白草屯邊路黃花戍裏程西風三萬里吹滿別離情

翁時稭字蕙卿侯官人諸生有金粟如來詩龕集

詩話蕙卿少與歐齋方伯同學久因名場獨刻意爲詩詩格在樊南樊川間賦杏花有詩夢如煙尋雪北客程計月到江南村間畫意影在水客裏鄉心紅到橋之句與賦秋海棠詩皆別饒風調

寓懷

神山有威鳳雌鳴求其凰吐氣日五色百年無文章誓欲辭丹穴扈閣供翱翔一去萬餘里凌虛覽下方桐花久無陰竹實難爲糧棲止乏珍木振翼還扶桑詎若燕雀志相賀惟華堂門庭儻羅網中道空悲傷

衡山何崔嵬去天不盈尺綠蘿搖晴煙邈與塵世隔頗聞

方瞳翁破鎔煮白石手弄明月光冥棲在窟宅歎我血肉
軀何由生羽翼路逢古仙人長跪問鍊魄親授不死方云
可燒瓊液丹砂久欲營霜鬢苦相迫別我騎青鸞仰視了
無跡吾將謝俗流去作閩風客

人日寄林穎叔

人日題詩句懶裁草堂蕭瑟向在開忍將書劍風塵老但
覺星霜鬢髮催山水有緣還蠟屐鶯花無恙又銜杯定知
放鶴林和靖載酒亭皋獨訪梅

秋海棠

美人香草合通辭惆悵樊川感鬢絲絳雪樓臺中婦豔青
溪煙水小姑祠獨眠涼月如幽怨不嫁東風忍自癡怕向
廊陰望顏色累儂紅豆作相思

牆根延竚望斜陽竹繡羅衣竟體香紅粉年年傷薄命秋
心寸寸盡迴腸神仙小謫蘭期晚風露無情茜袖涼我亦
吟香感遲暮古來蘿薜屬瀟湘

吳廷燮字彥宣海鹽人諸生有小梅花館詩集

澄江歸舟

半江斜日送歸橈楚尾吳頭入望遙今夜鄉心愁絕處蘆
花楓葉暮蕭蕭

送燕

玉孃湖畔草萋萋王謝亭臺路已迷惟有雕梁舊時月隨
君直度海雲西

于源字辛伯號秋陰秀水人貢生有一粟廬詩稟

黃齋青日秋陰詩峭蕩輕圓
無壓俗氣七古沈能入調

梁武帝繙經銅籤歌

白鐵鑄錯江山促黃金佈佛君身贖老僧垂眼定蒲團夢
中已換興亡局蕭梁天子愛看經佞佛癡心佛有靈願竭
銅山輸老衲自宣貝葉懺耄齡荷荷菩薩雲中坐慈悲不
救臺城餓鐘磬聲沈梵筴灰一朝共逐金甌破留得繙經
數寸籤銅花綠帶土花黏紀年猶識官家造想見談禪法
地巖雨花臺前花作雨袈裟送了英雄主天花無香銅自
腥且把殘書繙日午成佛升天一笑休六朝去遠水東流
牙籤萬卷留天地待訪昭明文選樓

鶴秀塔

龍洲之水深復深卧波塔影尖如鍼學繡女兒不得見橫
塘風雨愁人心偶聞父老談陳迹裴生此地曾爲客行裝

劫去賸空囊路側呻吟帶飢色落日攜筐有女來一時憐
餓兼憐才拔釵餉餌聊相濟乞食吹簫重可哀黃金脫手
渾閒事誰知中有千行淚半面眞成未了緣三生可有相
逢地歸來偏犯泥中怒風波周損雙眉嫵豈曾密誓偶鴛
鴦竟聽讒言放鸚鵡紅蘭無力拒嚴霜畢命朱絲長恨長
一寸柔腸容易斷十分俠骨自留香春風轉瞬忽經年仙
禁裴航得意天前度劉郎重到日那時紫玉已成煙分符
適值來花縣惆悵天台人不見夜雨空房憶故鈿秋風塵
宵悲團扇比肩有妹已垂髻依約紅顏一樣嬌桃葉相將
迎古渡雲英猶得遇藍橋報恩總惜嬋娟死特築浮圖傍
春水小字空題埋玉人遺聞合補傷心史此事茫茫二百
秋塔前芳草使人愁王孫一飯談何易漂母祠堂終古留

題郭止亭

承勳

寒香書屋勘印圖

漢家玉璽已飛煙
陵樹長安望渺然
賸有鼻鼻數方印
一齊清淚滴銅仙

名姓官私遠可徵
芝泥鈐出認猶能
夜深雙眼清如水
高點黃山雁足鐙

堯章叔夜久仙去
舊譜何人辨證來
紙閣無塵且孤賞
膽瓶一朵破黃梅

趙忠毅公東方未明硯拓本

五更待旦森袍笏
一疏書成奪奸魄
事成不成未可料
已拌貶謫同貞石
白日委鬼作嘯聲
毒霧蔽天天不明
荷戈幸免碧血禍
觚稜回首難爲情
雁門關外埋秋草
此硯何年復歸趙
流傳曾入繡衣手
卽今猶爲子孫寶
百年不灑

蟾蜍淚乾坤正氣留銘字尙傳金石重人間更想摩挲鐵如意

楊韻字仲玉號小鐵嘉興人有息笠庵詩集

詩話小鐵棄舉子業專力於詩嘗結鴛水聯吟社刻社中詩二十集豪於酒醉後作江鄉小景爲戴鹿林所賞子伯潤繼之起居海上以畫名

半山道中

斜日滿篷背新涼何處招山雲閒似鳥闌水猛於潮岸曲深藏屋林疏忽見橋停橈尋古寺煩暑一時消

登千佛閣

獨倚高樓望天空過鳥稀鐘聲雲外閣帆影樹頭飛秋隴香吹稻西風冷逼衣閒吟不覺晚黃葉半斜暉

吳以誠字古音江蘇清河人貢生有古藤書屋詩存

詩話古音多才藝性落拓不羈酒酣歌所作詩曼聲如度曲自矜音節肖唐人同郡潘德輿教以讀書迺益孟晉夙信漁洋之說謂七言近體自初唐以降爲之而能滿其量者少陵外不多見因專精於此晚年有淮陰鶴鶴樓題壁詩二十首一時傳誦論者謂得少陵諸將之具體錄其紀事明覈者二首

書東坡謫嶺南諸詩卷後

東坡謫嶺南山居事事好種茶及春陰擷菜待秋杪釀桂
既可飲煮葵亦足飽無事閉門居睡美或忘曉問公何能
爾心定境不擾乃知聖賢徒窮達能自保惟有主恩厚報
稱恐不早登高望中原雲山亂窈窕誰憐老兄弟棄置天
南道怨尤亦何有箕貝任羣小詩酒得天真山海遂幽討
應笑柳柳州歌詩徒懊惱

觀黃淮交匯糧艘競渡感而有作

黃河如山挾沙走清淮雪浪殷雷吼白日風雨鬪兩龍濤

聲五月清河口小舟飄忽若鳧鷖大船嵬嶇如山嶽若鴉
銜尾車接軸北人騰笑南人哭突然一擲如破竹粟米流
脂膏魚腹洪湖之水高於鎮淮堂銅柱剝落無靈光山河
七十二流注何汪洋石塘二百里域水以爲殃風狂雨驟
向昏黑欲上不上船頭裂欲退不退船尾折千夫力盡指
流血一唱督護心斷絕吾聞平江伯經始資良策孤懸三
千里引漕濟軍國往者湖決十三堡千里淮揚急如掃借
黃濟運非良圖廣川往往遵長途海上巨魚作人立颶風
駭浪迷方隅倉卒可一不可再策非萬全良可虞憶昔聖
祖與神宗翠華巡幸車書同贊牲沈璧禮數崇敬天勤民
亮天工天開引河關洪濛汴泗交流涇渭通濁河清濟貫
當中萬艘徐引洪濤風馮夷河伯來效忠豐碑大書留禹

功佐者斯張數巨公蒸嘗百世銘鼎鐘河清作頌聲摩空
千秋萬歲歌年豐

春日有懷

江南猶是舊芳菲薄醉心驚景物非三楚暮樓人獨上六
朝芳草燕初飛蒼茫雲樹迷歸鳥迢遞關山悵夕暉記得
石城揮淚別桂花時節雨霏霏

淮陰鸛鶴樓題壁

金陵重鎮擁貔貅誰總戎機出上流一夜西風沈鐵鎖中
原南顧缺金甌矢亡志士空嘔血巷戰將軍有斷頭斗大
一城磐石固燃犀温嶠在秦州

六合在陳梁
間爲秦州

臺榭笙歌尙廣陵和戎故智恃金繒但期弱肉能馴虎不
信愁眸未化鷹白首元戎拋甲仗青衿胄子泣刀繩蜀岡

梅嶺行營地欲賦蕪城百感增

譚溥字仲牧號荔仙湘潭人有四照堂詩集

宜章道中

岸花香瘦影交迷雙槳迎秋下玉溪紅樹人家收晚稻夕陽山雨照晴霓民窮百粵徵兵急地隘千峯擁塔低客路情懷倍惆悵故人蹤跡各東西

紅棉寺次韻

載酒茱萸合尋山粵秀開海光浮地出秋氣併雲來烽火連邊徼艱危憶將才徘徊寺前路落日滿蒿萊

羅鏡墟殺賊歌爲葉崑臣作

羅鏡墟頭暮色黃小醜負隅騰毒光深山大澤不敢入鼓角動地妖風猖主將屯兵不肯動佯畏賊羣戈戟勇兩月

藏鋒堅避戰十里移營遙隔隴那知立計寬賊防五路早
伏千軍強義勇分途截賊糧賊驚欲竄逃無方主將登臺
鳴戰鼓羣戎聽令肅貔虎軍門高敞海噉紅征馬靜依牙
纛舞指揮號令如有神五路埋兵一齊舉縛賊搜巢特地
燒火光燭天天色驕殘屍畫叢野狼食熱血夜染胥口潮
君不見奇功自古歸奇策書生戎馬今誰敵殺賊歸來血
未乾寶刀紅洗霜鋒白

楊忠愍公獄中遺硯圖爲艾至堂師題

至堂師藏有楊忠愍硯兩

旁有公自記云余不能書故無佳硯入獄次日望湖贈此伴我寥寂意誠佳也相依既久乃知此石才德之優昨夜忽然腰裂鏗然一聲驚我寤寐是豈其知余之將死而不忍爲他人用耶吁異矣乙卯春椒山記王鳳洲書并刻凡七十九字至堂師得之臨川李氏王蘭汀離宰爲搨作圖

黑雲壓天天欲崩奇氣鬱獄忠魂青精靈千古託片石碧

血黯淡波痕腥身後流傳代能守錢李遞藏非一手文人
珍賞到吾師出處相依得其偶竭來呼朋拓作圖墨氣冉
冉飛襟裾挑鐙把玩不釋手陰霾慘淡沈精廬夜殘狐哭
瓦鐙死月黑鬼嘯荒墳孤乾坤正氣入激烈屋瓦欲震冤
風粗想見闔扉閉寥寂血淚模糊灑胸臆荷校笞榜法何
酷恩重身輕甘一擲此心難轉同堅貞爾石無言深慘感
七十九字留遺銘飢鷹餓虎長哀鳴曹郎有膽蚺蛇屈宰
相無心鐵石輕我行濡毫重鳴咽淚珠紅洗鵝睛血題罷
天風震窗紙鏗然如聽石頭裂

歲晏行用杜工部韻同王壬秋作

江州耕鑿少生事田園坐廢生悲風遺黎日久入坎窞髮
長心短千村同畏賊私含畏官泣熱淚暗灑潯陽紅水師

熊熊盡英烈計掃寇逆知誰工千家槁餓飯豆絕三載貢
稅資糧空主帥籌餉勝籌戰捐輸各國資軍供所司藉端
每自利錐末之小尤傷農幕府旦晚按民事咫尺不得掀
羣蒙大錢小錢不足論鄉曲早已無青銅吳楚安危各有
慮財物一洗民間窮重熙有象表斯世劫運所值由蒼穹
何時英雄起屠釣太古元氣迴神功吾儕坐歎自懷愧識
字終當輪挽弓衰草殘陽歲聿暮江潮滿地聞哀鴻

與王壬秋夜話

清磬飛檐下五更湘天歸夢續前盟十年舊服緇塵在一
夜深談白髮生酒影蒼茫照湖月詩情悽楚入邊聲故園
聚散初何定正苦關山未息兵

贈何子貞太史

道長鬚眉尊清勤擁書讀榻來弄湘月宦海謝馳逐與世
忘囂塵濂溪問高躅自種菖蒲花仙根已盈掬

查冬榮字子珍號辛香海甯人諸生有詩禪室集

吳清如曰海昌查氏以詩鳴自初白聲山後流風所
被綿延不絕辛香後起之秀其詩纏綿往復有一唱
三歎之音

南山紀游用樊榭韻

石屋

一徑窅然深巖厂不知豔怪石挾雲飛古藤繞壁瘦此地
可逃名十笏地容構坐人聽流泉微見夕陽漏

水樂洞

琤琤復琮琤恍惚溪語接爽籟奏宮商清風撲眉睫深林
不見人徑僻但棲螭我欲攜琴來隱居巢密葉

理安寺

到門不知寺溪澗環東西雲深林密處百鳥啾啾嗁惜無
濟勝具絕頂難攀躋振策松嶺閣濤聲入夜淒

錢塘懷古

春寒剡地柳含煙弔古徘徊感逝川水閣夜寒金鯽躍山
廚春暝石龍眠六陵風雨滄江外八月波濤故壘邊陌上
無人歸緩緩花開花謝自年年

答顧恆齋見寄原韻

攤飯澆書且唱酬看山終日愛登樓懺除塵事常參偈蕭
黯春情早倦游知己深時無淺語依人難處倍多愁江湖
載酒渾閒事漫羨烏紗傲白鷗

趙旭字石知一字曉峯桐梓人諸生官荔波教諭殉難

贈國子監學錄有播川詩鈔

鄭子尹曰曉峯日澤以古發於聲者又必出之以極思苦吟莫子德曰讀曉峯詩其一往取峭不可磨滅之勁骨猶當據拄

紙上以得其爲人
詩話曉峯留意鄉邑故事蠟桐荃十卷又有桐梓耆舊詩文鈔鄭子尹避寇魁崖嘗與唱和

天門洞

言尋天門洞早春愜幽賞百折緣澗谿一徑拂榛莽然松拾路入未可計尋丈冷風搖火光老蝠駭騰上橫石限如闕蛇行不敢仰前竒已我領後勝方客獎力弱心乃強境遞神忽朗石筍灑空立陰泉迸隙長觸目呈衆形驚耳納羣響萬怪孕一腹造物何所仿疑有避秦人全家此中往

夜行

夜行虎峯下露重毛髮冷風過聞泉聲林盡見天影出塚

燐不飛宿巢鵲先警回顧山城中殘鏡碧罔罔

九盤子

山北路如槽山南路如磨郵亭塞其坳古佛苔蝕座雄風
生半空雲曳山光破仰攻犯矢石一守應萬挫隘官人已
裁行旅坦然過緬懷劉大刀奪險偉征播後來王節愍藉
此集將佐形勝人必爭豈宜防衛情一盤一躊躇忘卻早
行餓

九壩

凶山鋸齒排槁壤釜底狹恃茲竟倡亂狂徒豈畏法激變
縱有由芟夷關夙業事平不值晒勢盛任威脅強拒弱則
避首鼠甘與狎後死如見賊幾人志不怯官勿蟻轉冀民
防虎出柙好安上下分重見王澤洽

輯桐梓耆舊詩略慢題

夜郎文獻委蓬蒿次第搜羅敢憚勞
守素夙耽人物志鍾離最愛土風操
九原可作交應密一語能傳死亦豪
悵望楓林青映月魂歸聽我誦聲高

登修文署中雙桂亭

繞郭寒煙與樹平身先鴻雁作南征
山川雨後翻新潔天地秋來變老成
疑事難從千古問奇才不擇九州生
微聞已奏滇池凱投筆何人萬里行

劉世仲字殿墳漢陽人

詩話劉椒雲學正傳塋初治漢學研微探賾得其要領既又取濂洛以下切己之說離合反復以求其通會文正雅重之殿墳其猶子亦爲文正所知中道而隕未竟其緒

亂後卽事

開尊那得玉顏醜，春色無如淚眼何。赤子愁看三戶盡，青
山恨比六朝多。風高使節懷陶侃，月滿秋江憶法和。眼底
雲霄鵬鶚少，烏鴉繞樹起哀歌。

徐韋字仲韋，孝感人。有一鉢詩鈔。洪樂集。

詩話：仲韋嘗爲僧名喻，後與王子壽比部游。擅詩名，游荊州。客鄧孝旂別駕所，乃返初服。兩至京師，無所遇，避兵客死彝陵。

宿寒溪寺

積翠不成雨，涼風吹滿溪。偶來山寺宿，時有野禽啼。煙聽
水聲遠，月吟松影低。黃州曾到處，鼓角夜淒淒。

異縣

異縣羈棲久，高樓有所思。江流殘雪淨，鳥沒夕陽遲。搖落
逢時序，艱難出鬢絲。誰云天下士，貧賤欲何之。

宿巴東

獨卧巴東夜孤燈照客愁萬山青作縣六月冷如秋峽險
黃牛出城高白帝浮聽猿多少淚灑向大江流

登岳陽城樓

城高南極壯空冥秋色迢遙入洞庭九水寒浮天地白萬
峯晴壓郡樓青雲邊鴻雁西風急檻外魚龍濁浪腥知是
何人明月下獨彈瑤瑟和湘靈

洛陽道中送別友人從軍

春風匹馬送孤征楊柳飛花滿洛城斗酒縱談天下事寶
刀高唱少年行橫空華嶽三峯色出塞黃河萬里聲自是
壯游休怨別幾人投筆請長纓

對月

愁心化爲水蕩漾明月光將心寄明月墮地忽成霜

秋夜留別蔡樸庵處士卻塵雲帆兩上人

滄江萬里挂孤篷旅雁三更叫朔風城上清笳樓上笛一
時併起月明中

晚晴簃詩匯卷一百四十八終